

四庫全書

集部

欽定四庫全書

集部

粵西叢載卷二十三

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官學正臣常 循

臚錄監生臣潘 河

欽定四庫全書

粵西叢載卷二十二

桂林府通判汪森編

鳳鳥

桂林有鳥鳳如鵲而紺碧髮頭有鳳尾垂二弱骨各長一尺四五寸其末始有毛羽大略如鳳鳴聲清越又能為百蟲之音生左右江谿洞中廣西又有山鳳狀如鸞而鳳喙巢兩江深林中雌伏卵時雄以木枝雜桃膠封

其巢留一竅取食子成即發封不成則室其竅而殺之

又有大頭鳳飛則羽音響如轉輪所止之處百鳥不敢

鳴

爾雅翼

南寧府志云山鳳色具五采其雌好與猿

交故有卵則封其巢待卵殼嗅其氣為已子乃發封

若猿種則室之而死

南漢時邕州有六鳳凰高五尺金冠五彩飛入城中衆

鳥朝之文若布錦其鳴節節足足薛道衡文足足懷仁

般般擾義般般麒麟足狀二語之奇亦文筆之鳴鳳也

赤雅

下同

宋景德白州三鳳飛入城中自歌自舞音中笙簧

其詳別見

博白遠村號綠含高山大樹人蹟罕至斗米一二錢其
山多鳳有高三尺者冠彩與白州同其飛衆鳥皆隨常
栖高樹之巔晴明則雙飛而出又有大如鷲者五色金
冠尾甚長羽聲薨薨響若轉輪諸鳥見之斂翼俛首伏
不敢鳴俗名大頭鳳間為猺獞所射獻於其主肉備衆
美緝毛成裘涅而弗滓紫鳳之庖不必皆沃民之國也
至正間宜州述昆鄉鳳凰見羣鳥蔽地其一飛去其一

為撞人射殺嗚呼厄麟有西狩之獲元緒有枯桑之嗟
白龍有魚服之感物益靈而數益奇矣可柰何

桂州永福縣隋時雙鳳來巢宋初復至守臣以聞遣使
祠之鑿巢下石得雙美玉今名鳳巢山

兩江鳴鳳如孔雀紺碧頭上彩毫光逾掣電冠上垂二
弱骨長一尺五寸鳴聲清越如簫笙能變曲妙合宮商
間出兩江溪洞中予謂綠含即紫鸞鳴鳳即青鳥也鳳
凰出於丹穴豈不信然

丹雀

舜葬蒼梧之野有鳥如丹雀自丹州而來吐五色之氣

氛氳如雲名曰憑霄雀能羣飛銜土以成丘墳

王子年拾遺記

孔雀

義寧縣杜山多孔雀為鳥不必匹合以音影相接便有

孕

南越志

交趾郡人多養孔雀或遺人以為口腹或殺之以為脯
腊人又養其雛以為媒傍施網罟捕野孔雀伺其飛下

則牽網橫掩之採其金翠毛裘為扇拂或金珠生截其

尾為方物云

嶺南異物志

孔雀羣飛有數十為偶雌者尾短無金翠雄者生三年有小尾五年成大尾初春而生三四月後復凋與華萼俱榮衰然自喜其尾而甚妒凡欲山棲必先擇有置尾之地然後止焉南人生捕者候甚兩往擒之尾霑雨重不能高翔又至愛其尾恐人所傷不復騫翔也雖馴養頗久見美婦人好衣裳與童子綵服者必逐而啄之芳

時媚景聞管絃笙歌必舒張翅尾眊眊而舞若有意焉
山谷夷民烹而食之味如鶩解百病人食其肉後飲藥
不能愈病其血與其首解大毒南人得其卵使雞伏之
即成其脚稍屈其鳴若曰都護土人取其尾者持刀於
叢篁幽隱之處自蔽伺過急斷其尾若不即斷回首一

顧金翠無復光彩矣

紀聞

孔雀人拍其尾則舞

交州異物志

孔雀生溪洞高山喬木之上而下

閩

上雄者尾長數

尺生三年尾成長金碧晃耀時時自奮盡張其尾圓如

錦輪俗謂之朝其朝無時

方輿勝覽

鸚鵡

鸚鵡有三種青大如烏白一種白大如鴝鴒一種五色

大於青者交州巴南盡有之

南方異物志

天監三年斷諸侯進鸚鵡交州獻能言鳥不納之

梁書

唐太宗時林邑獻五色鸚鵡自言苦寒思歸其國太宗
付使歸之今廣西有秦吉了京師謂之了哥萬厯丙子

一日講畢上遣中使持赤黑鸚鵡各一示閣臣講官蓋
廣中所獻也赤者毛色嬌麗黑者有兩耳耳黃如獸能

動此二色則志所未備也

于穀山
雜記

秦吉了

秦吉了容管廉白州產此鳥大約似鸚鵡嘴脚皆紅兩
眼後夾腦有黃肉冠善效人言語音雄大分明於鸚鵡
以熟雞子和飯如棗飼之或云容州有純赤純白色者

俱未之見也

嶺表
錄異

秦吉了即了哥能效人言一統志如鸚鵡即此黃嘴金

耳

南寧府志

秦吉了出嶺南容管廉邕諸州紺黑色夾腦有黃肉冠
如人耳丹味黃距人舌人目目下連頸有深黃文頂尾
有分縫能效人言音頗雄重亦有白色者

本草綱目

鸚鵡

鸚鵡即霸哥黑色黃口黃足教亦能言

南寧府志

烏鳳

烏鳳出桂海左右兩江峒中大如喜鵲紺碧色項毛似
雄雞頭上有冠尾垂二弱骨長一尺四五寸至杪始有
毛其形略似鳳音聲清越如笙簫能度小曲合宮商又
能為百鳥之音彼處亦自難得

虞衡志

倒挂鳥

南寧山中有倒挂鳥

百粵風土記下同

陰顛陽顛

宣德五年遣內臣孟陶張煎往廣西採買翎毛蟲鳥勅

書內開有陰類鳥陽類鳥不知何禽也

鳩

頓琦蒼梧人至孝母喪琦獨身立墳歷年乃成居喪踰制感物通靈白鳩棲息廬側見人輒去見琦而留

廣州先賢

傳

杜宇

涪州多杜宇晝夜啼不絕客居聞之甚慘

嶠南瑣記

杜鵑一曰海南鳥亦曰子規暮春多啼若云不如歸去

晝夜苦鳴其聲淒切俗謂歸去樂者疑其聲相似也

南寧

府志

雞

愛州移風縣有潮雞鳴長且清如吹角每潮至則鳴一

名林雞

輿地志

天雞朱冠錦尾其飛也翔弄晴對舞天雞鳴而潮雞鳴

潮雞鳴而家雞鳴謝康樂天雞弄和風得之矣

赤雅

錦雞爾雅名鶉天雞

南寧府志下同

長鳴雞師古曰雞之鳴聲長者疑即潮雞

竹雞羽斑而集篠中

鷓鴣雞大如灰鶴丹頸穆天子傳鷓鴣雞飛八百里

翡翠

翡翠鳥似燕翡赤而翠青其羽可以為飾翠為六翮毛長寸餘青茸先高作巢以避患及生子愛之恐墜稍下作巢子長羽毛復益愛之又更下巢而人遂得而取之

矣翡大於燕小於鳥

揚手南裔
異物志

翡色赤紺背出交趾與古縣

廣志

鳩

至和中余赴任邕至金城驛郵置早膳聞如以手答腰
鼓者問郵卒曰何處作樂曰非也乃鳩鳥禁蛇

彭乘墨客揮犀

有人任嶺南官至山寺登廁忽有異禽飛集廁前石上
跳躍作聲若巫家之禹步者須臾石裂出一青蛇乃銜
之而去見者大駭問寺僧云正鳩鳥也蓋惟食毒蛇乃

能成其毒

范正敏遊齊閣覽

邕州朝天舖及山深處有之其種有二一大如鴉黑身
赤目一大如鴉毛紫綠色頸長七八寸雄曰連目雌曰
陰諧聲如羯鼓遇毒蛇則鳴聲邦邦蛇入石穴禹步作
法石裂蛇出秋冬間解羽蟄穴薰之出走應絃而斃以
銀爪甲取著銀餅中否則指斷鴉矢著人立死鴉羽標
酒犀角立解鴉穴多犀天地所以制殺機也 赤雅

山有鴉草木不生矢集於石石亦裂爾雅曰矢石即變

為雄黃今諸書云雄黃治蛇毒信然

南寧府志

蚊母

五嶺溪山深處有大鳥如鷓鴣常吐蚊子輒從口中飛

出謂之吐蚊鳥

嶺南異物志

蚊母鳥形如青鷗嘴大而長於池塘捕魚而食每叫一聲則有蚊蚋飛出其口俗云採其翎為扇可辟蚊子

嶺表

錄異

鬼車

鬼車出秦中而嶺外尤多春夏之交稍遇陰晦則飛鳴

而過聲如刀車鳴愛入人家鑠人魂氣血滴之家必有

凶咎

嶺表
錄異

鷓鴣不祥鳥也似鵬而散尾聲最哀帝嘗書曰逆鷓鴣
雅曰鷓鴣糜鷓啼苦泣血如杜鵑儒書奇鷓十首周公居
東惡聞其聲命庭氏射之血其一首今餘其九恐未必
爾也昔者子夏見而歌之曰逆毛鷓兮一身九尾長兮
余在鬼門見者一身九尾聞之九首者雄也猶虺之九
首者曰雄虺也俗名鬼車余貪看此鳥人爭危為不祥

余謂此鳥不產南中天氣自北而南諸君所謂不祥者

安知非福

赤雅

王母

王母若練雀青色尾最長有錢如孔翠猺中有王母裘
織成錢文予意以為西王母所服雲韞娘笑曰君不聞

子規夜啼山竹裂王母晝下雲旗翻

赤雅
下同

鷓鴣

林邑有鳥其飛肅肅必兆隕霜織而為裘可以禦涼人

多不知其名余謂即古鵠鵠也

北鶴

止不向明巢必拱北其聲圓吭百變不窮吳時越雋獻
背明鳥即此

鵠鵠

鵠鵠不祥鳥也形質短小聲如冷笑入城城空入宅宅
滅聞之速避否則死亡

深窟

猫首鳥喙似鵠鷓而大放聲而哭哭畢鳴曰深窟深窟
意賈生所謂鵬也

訓狐

訓狐惡鳥也鳴則後竅應之

草結鷺鷥

村落有水草處多以草結為鷺鷥之狀用灰塗之百十
為羣俛仰飲啄顧盼張翼無不絕肖俟有迴翔飛下者
弋取之亦有立牆頭屋極者驟見之未有不以為真也

嶠南
項記

犀

犀出九德縣其毛如豕蹄有三甲頭如馬有二角鼻上

角長額上角短

劉欣期
交州記

犀牛大約似牛形而蹄脚似象蹄有二甲二角一在額

上為兕犀一在鼻上校小為闕渭犀鼻上皆裙口束而

花點小多有竒文牯犀亦有二角皆謂毛犀俱有粟文

堪為腰帶千百犀中或有通者尖花大而振花小者謂

之倒插通此二種亦玉卮無當矣若通無處白黑花分
差奇則計價巨萬舉世之寶也余比居番禺謂犀角曾
經閱又有墮羅犀犀中最大株有重七斤者云是牯犀
額上有心花多是撒豆斑色深者堪為勝其斑散而淺
者即治為杯盤器皿之類又有駭雞犀有白縷如絲以
置米中雞輒駭也辟塵犀為婦人簪梳塵埃不著髮也
辟水犀此犀入江海水為之開置角於霧露中經夕不
濕也光明犀此犀置暗室中自有光明也此數犀但聞

其說不可得而見也

嶺表錄異

象

象長鼻牙南越之大獸三歲一乳象身四足而大

許慎說文

九真郡龐縣多象生山中郡內及日南饒之

吳錄地理志

象膽不附於肝每月轉在諸肉假令此月建寅即膽在

尻肉上

嶺表錄異記

晉時南越致馴象於臯澤中養之為作車黃門鼓吹數十人令越人騎之每正朝大會皆入充庭帝行則以象

車導引以試橋梁後象以鼻擊害人有司奏殺之而象垂鼻泣血流地不敢動自後朝議以象無益於事悉送

還越

晉諸公贊

俗傳象牙歲脫猶愛惜之掘地而藏之人欲取當作假牙潛往易之覺則不藏故處鼻為口役望頭若尾

萬震南州

異物志

象不馴則告之云當為爾引雌來即聽

方輿勝覽

象出交趾山谷惟雄者有兩長牙佛書云白象又云六

牙今無有象頭不可俯頸不可回口隱於頤去地尚遠
運動以鼻為用一軀之力皆在鼻將行先以鼻拄地乃
移足知其足力劣於鼻也鼻端甚深可以開闔取物中
有小肉夾雖芥子亦可拾每以鼻取食即就爪甲擊去
泥垢而後捲以入口飲水亦以鼻吸而捲之足如柱無
指而有爪甲五枚形如大栗登高山下峻坂涉深水形
擁腫而甚捷交趾出象處曰象山歲一捕之山有石室
惟通一路周圍皆石壁先置葛豆於中驅一馴雌入焉

布甘蔗於道以誘野象象來食蔗則縱馴雌入野象羣
誘以歸石室隨以巨石室門象饑人緣石室飼馴雌野
象見雌得食亦狎而來求飼益狎則鞭之少馴則騎而
制之久則漸解人意又為立名字呼之則應牧者謂之
象奴又名象公凡制象必以鈎象奴正跨其頸以鐵鈎
鈎其頭欲其左鈎頭之右欲右鈎左欲卻鈎額欲前不
鈎欲其跪伏以鈎正案其腦案之痛則號鳴人謂象能
聲諾者此也其行列之齊皆有鈎以前却左右之其形

雖大而不勝痛故人得以數寸之鈎馴馬馴之久者象
奴來則低頭跪前左膝人踏之以登則奮而起行蠻酋
出入多乘象其貢中國者背施鞍架御座號羅我象額
編金鈴千數枚行則琅琅然交人有犯惡逆者臥之地
使象蹴殺之二廣亦有野象村落小民酒熟則尋香而
來破壁入飲人甚苦之所過亦害禾稼象目細畏火不
畏人倉卒遇之以長竹繫火逐之輒退羣象雖多不足
畏惟獨象最可畏蓋其强悍不容於羣獨行無所忌遇

其肆毒以鼻捲人擲殺蹙其血流吸飲之欽州人能捕象象行觸機則刃下擊之中其要害必死將死以牙觸石折之以牙為身災也非要害則負刃而行肉潰則刃脫傷其鼻亦死鼻傷之瘡不可合故亦致死殺一象村衆飽其肉鼻肉最美熟而加糟糟透嚙而食之象皮可以為甲或條截之唾之至乾治以為杖甚堅

虞衡志

象交於水卷樹葉蓋之其交如人見人則羞遽起逐之人走須遠嶺或學鼠聲狗吠得免其精溢於水中如白

脂可數斗取為膏藥最佳 赤雅

象膽隨四時在足世所知也實不然象體具十二生肖惟鼻是本肉膽不附肝每隨月轉假令正月建寅即膽在其尻肉 見埤雅 昔有宦粵西者土舍殺象享之知膽不

應四時則埤雅之說信矣

陳禹謨說
儲二集

象牙出南番西番及廣西雲南皆有南番者長大廣西

安南者短小新鋸開粉紅色者最佳

格古
要論

兔

嶺南免嘗有郡牧得其皮使工人削筆醉失之大懼因
剪已鬚為筆甚善更使為之工者辭焉詰其由因實對
遂下令使一戶輸人鬚或不能致輒責其直

嶺南異
物志

良馬

紹興間廣西進馬十匹上留一匹餘付殿前司謂輔臣
曰朕所留一匹不減代北廣西亦有此馬則馬之良者
不必盡西北也因論春秋列國不相通所用馬皆取之
國中而已今必於所產之地求馬則馬政不修之故也

高宗此論可謂得馬之情矣然西中實多良馬歲所貢以朱提代之而官司民間所畜皆駑材祇充下乘惟諸土司之雄桀者不難購以重貨往往有至四五百金者然不供上駟脩法乘而祇以資踐蹋蹂躪助鷓張之性與辱於奴隸之手何異是亦馬之厄也

西事
珥

牛

漢布山縣

今桂
平

唐牛與蛇同穴牛嗜鹽俚人以皮裹手

塗鹽入穴牛果舐之偶出穴不得入取其角為器一曰

糖錦繡萬
花谷

糖牛角若瓊玖用以爲甲鳩箭蛇鎗如涼雨之灑荷葉

赤雅

舊稱地產糖牛角牛性嗜鹽其角如玉今無是非無也
即白水牛自潯至諸谿峒所在有之今之明角是也所
云與蛇同穴者當時以之充貢厲民求爲蠲免不得不

危言動上耳

潯州府志

勾漏縣大江中有潛牛形似水牛每上岸鬪角軟還入

江水角堅復出

酉陽雜俎

卷二十二

欝林異物志曰州留者其實水牛蒼毛豕身角如擔矛
衛護其犢與虎為讎水牛之為州留其名甚異

西事
珥

東粵曰潛牛西曰潛州留楚曰鰓鱗出澗與虎鬪角軟
用水一湛堅則復鬪余在湘中見之椰子厚詩桂江秋

水見鰓鱗

赤雅

明洪武四年二月命工部遣官往廣西買耕牛以給中

原屯種之民

典彙

猪

山猪即豪猪身有棘刺能振發以禦人二三百爲羣以

害苗稼

方輿
勝覽

野猪類家猪腹小脚長牙利人不敢近又一種豪猪鬃

有箭怒則奮以射人其箭可簪

南寧
府志

藪林大猪一蹄有四五甲多膏買者以鐵錐刻其頭入

七八寸得赤肉大動

異物
志

山瘠草稀故不宜羊吉凶之外無屠肆也豕特膾甚

百
粵

風土
記

蠻犬

蠻犬如獵狗警而狝諸蠻率携一犬自防盜莫敢近

方輿

勝覽

犬則鬱林者雄

百粵風土記

木狗

木狗生廣南左右江山中形如黑狗能登木其皮為衣
褥能運動血氣元世祖有足疾取以為袴人遂貴重之

熊太古
莫越集

黃羊

黃羊出關西西番及桂林諸處有四種狀與羊同但低
小細肋腹下帶黃色角似羖羊喜卧沙地生沙漠能走
善卧獨居而尾黑者名黑尾黃羊生野草內或羣至數
十者名曰黃羊生臨洮諸處甚大而尾似麀鹿者名洮
羊其皮皆可為衾褥出南方桂林者則深褐色黑脊白

斑與鹿相近也

本草
綱目

山羊

山羊出平樂深山，中其血可治撲跌傷損及諸血症。以一分許調酒飲之，神效。土人云：見人則決驟而去，跳躍颺迅，非足力所及。須密布繩草間，罾其足，始能生得。刺取其血，乾而藏之，亦甚貴，不易得也。

西事
珥

風母

風母如猿猴，而小。晝日踈伏，不能動。夜則騰躍，甚疾。好食蜘蛛，螫打殺，以口向風，復活。惟破腦不復生矣。以酒

浸愈風疾南人相傳云此獸常持一小杖遇物則指飛走悉不能去人有得其杖者所指必有獲夷人施罟網既得其獸不復見其杖杖之數百乃肯為人取或云邕州首領寧洄得之洄資產巨萬僮伎數百洄甚祕其事

嶺南異物志

風母一名風狸生邕州以南似兔而短棲息高樹上候風而吹至他樹食果子其屎如乳甚難得人取養之乃

可得

本草綱目

山獺

世傳補助竒僻之品有所謂山獺者不知出於何時謂以少許磨酒飲之立驗然本草醫方皆所不載止見桂海虞衡志云出宜州溪峒峒人云獺性淫毒山中有此物凡牝獸悉避去獺無偶抱木而枯峒獠尤貴重之能解箭毒中箭者研其骨少許傅之立消一枚直金百兩忽得殺死者功力劣抱木枯死者土人自稀得之然今方術之士售偽以愚世者類以鼠璞猴胎為之雖殺死

者亦未見之也周子功嘗使於大理經南丹州即此物
所產之地其土人號之曰插翹極為貴重一枚直黃金
百兩私貨此出界者罪至死方春徭女數十歌嘯山谷
以尋藥挑菜為事獷性淫或聞婦人氣必升躍其身次
骨而入牢不可脫因扼殺而藏之土人驗之法每令婦
人摩手極熱取置掌心以氣呵之即起然而動蓋為陰
氣所感故耳然其地亦不常有或累數歲得其一則其
人立可致富宜中州之多偽也

周莊齊
東野語

山獺淫毒異常諸牝避之無與為偶往往抱樹枯死其勢入木數寸破而取之能壯陽道視海狗腎功力倍常

也

謝肇淛
五雜俎

猩猩

後漢哀牢夷出猩猩形若狗而人面頭顏端正善與人言聲啼妙麗如婦人對語昔有人以猩猩餉封溪今問餉何物猩猩自於籠中曰但有酒及僕且無他飲食

事文

類聚

猩猩人面猿身最機警通八方言學蟲鳥語無不曲肖
聲如二八女子啼最清越嗜酒好屐虞人以此誘之毀
罵而去予在綠鵝山見之羣相語曰客必東人也踴躍
出視予適有蘇酒一包寄酒少許召而飲之四者齊下
未飲先謝既飲輒醉知余之無機也余徘徊恐為後人
所害忽然一雙飛下古木囂然相謂曰上客過勞兒當
負之而去耳禮曰猩猩能言不離走獸予終不敢以為

信
赤雅

萬萬

萬萬臯羊也見人則握手而笑然後食之人因以竹筒置臂姑與之握握則必笑笑則上唇掩目出臂以鑿綴其脣於額格而殺之吳都賦云猩猩啼而就擒萬萬笑而被格赤雅下同

狒狒

狒狒狀如猴力舉百鈞人言烏音能知生死笑似萬萬上吻覆額血可染緋髮鬚紅髮飲其血能見鬼物

茶晉

茶晉出羈縻州似鹿而兩頭食香草其行如飛鳴曰蔡
茂蔡茂茶晉二字音蔡茂也亦有五六頭者是名玄仙
敬之終吉射之悔亡

子路

熊名子路居有熊穴穴有神人冬蟄春啟非其時則主
兵見穢合穴死食鹽亦死其膳春在首夏在腹秋在左
足冬在右足前曰掌後曰蹠黑而銳喙去穴五百里壘

石為館名曰熊館申木引氣名曰熊經撞人呼之子路
可出熊即出子路可鬪熊即鬪聞有綠者土司徭獍取
為駿馬障泥塵不敢揚威攝虎豹一尺百金其牝曰羆
力能拔樹指爪鋒攢披髮人立遇虎豹樵牧皆抗其喉
捏血飲之其胸白脂名曰羆白味過熊掌

懶婦

懶婦似豪豬而小好食禾黍田畷以機杼織衽懸於墜
膝望之而走齒長入海化為巨魚其名奔鯨其狀蛟螭

雙乳垂腹取以煎油其膏百斛澆蠟作燭取以飲酒紫
醖生花令人發興取以讀書昏昧泯墨必至黑恬作詩
自嘲曰丁年誤買奔鯨燭丙夜誰傳太乙書

山都

山都形如崑崙青毛有尾見人輒閉目張口如笑好在
深澗中翻石覓蟹噉之

白獮

獮生銅坑中象鼻犀目牛尾虎足食銅鐵不如他物衣

其皮殺鬼精鍊為兵可以切玉接溺為水可以銷鐵
有十頭者謂之白獬蜀都賦戰食鐵之獸射噬毒之鹿
則指貆也貆似熊與獬不同

肉翅虎

肉翅虎出石抱山晨伏宵出其飛也獾常向鬼關食人
為獾人射殺余得見之比凡虎差小翅如蝙蝠眼閃閃
如陰燐渾身虎文飾其皮以辟百鬼

禍斗

禍斗似犬而食犬糞噴火作殃不祥甚矣

麝

麝食香草至冬香滿入春則臍鞞急癢悶跳躍不可禁
故剔出之耳剔出之香著於香草百草皆枯佳人采芳
拾以相贈馨香盈袖經年不退吾見夫今之為麝者矣
生而割之天香未蘊臍穢尚腥調以酥酪和以百草微
香差見失其性矣嗚呼生售而失其性豈獨一麝也哉

象

象耳濺濺其大如掌行動鼓舞日常帶笑有懽悅發揚
之意狀以犀而角小居草茅而知吉凶生於兩粵東曰
節犀西曰豬神遇之則吉罔敢有害

欽定四庫全書

粵西叢載卷二十三

桂林府通判汪森編

秦龍馴龍

計宗道柳州羅池人登甲科官至衡州知府家積書籍及玩好之物極富其家有銅鑄字合於板上印刷如書刻然其姪通判計嘉邦有一几桌四足有空虛處桌面四沿陷下每會客則桌下有機吸水緣足而上旋流四

沿及置杯流中謂之掬水流觴製甚精巧云亦宗道心思所造也又聞其高祖洪武中為巡檢居一山號計家砦嘗出行得一巨卵如升持歸使雞伏之百餘日乃產一物狀類蛇四足蒼色鱗甲遍體其長不盈尺行則昂首竦身殆若獸走家人以米汁飲之數月漸大好飲生血每封割羊豕則取血啖之久而益馴狎計公行止蛇嘗隨之至呼之出蟠於榻旁以手摩之冷如冰鐵家人呼為小龍傳聞外間多求觀者計心念曰是且致播揚

爲吾家禍矣乃放之解後溪潭中囑曰汝母憂饑吾每
日當遣人飼汝汝自今不得復出也及還內蛇已隨至
計叱曰汝不聽教今斬汝矣蛇如解人意俯首帖尾即
還潭中自是常以血置潭口輒奮起就食歲久長大踰
丈餘一日有同官之子婦汲於潭婦衣紅蛇望見以爲
血也捲而啣之同官怒聲言汝畜妖物殃人吾且以白
上官必破爾家計恐哀祈之且致厚餽乃得解由是惡
蛇持刃至潭仍置血以誘其出因投刃斫之蛇驚而匿

僅斷其尾尺餘自是不復出亦不知其存亡數年後一
夕風雷暴作雲霧中有蒼龍自潭起長數百尺乘空去
家人皆指云小龍化也計家仕宦不絕而羅池即宗道

之別號云

林註

崑淋之下有馴龍焉靚女欲見之盛飾入崑唱土歌龍
出五色炤灼馴習如素望之若山海圖中珥蛇者神也
歌至絕倫龍喜踴躍盤入懷中遺鱗而去女即珍藏以
為獲神之貺鄰女畢賀笙簫雲合予逐隊往觀見鱗大

如錢光具衆色熒熒不定聞稍侮之則雷電撤去侮者
懼殃次日予從太平至模村入崑怪石飛泉種種異狀
中有一洞從洞右轉深翠黝蒼持炬而人行二百步七
折有穴內濶外狹冷氣逼人忽然嘯聲起于穴內烈如
摩遠崑石振竦又覩女之所未聞也龍雖不見余而遺
其聲于余是龍終不忍以余不能唱浪花者而棄余

赤雅

鮑魚

靈川縣水產鮑魚四足有角聲如小兒

名勝志

乳穴魚

全義之西南有山曰盤龍山有乳洞乳洞有金沙龍盤
魚皆四足修尾丹腹狀若守宮游泳水濱人莫敢犯按
御覽云龍蟠山有石洞洞中小水水有四足魚皆如龍
形人殺之即風雨也然唐韻云鱮魚各四足山海經云
人魚如諦魚四脚出丹洛二水有鯢大者謂之鰈爾雅
注鯢似鮎四足聲似小兒但未見言其可致風雨耳

北戶

武陽魚

柳州武陽小魚大如針候蟲異於他所窮冬猶鳴

圖經

沙筋魚

沙筋魚長尺餘其狀如簪生海岨沙中春時吐苗

嶺表錄異

下同

鹿子魚

鹿子魚有鹿斑赤黃色羅州圖南海有洲每春夏此魚躍出洲化而為鹿魯有人拾得一魚頭已化鹿尾猶是

魚南人云魚化為鹿肉腥不堪食

鯖魚

藤江出鯖魚膽售者皆偽以黃藤膏混之黃藤亦能行血去翳予過藤詢漁人獲有鯖否漁人以一尾來獻狀似鮠而黑剗取其膽懸之船窻上越宿漿裂出過半土人云膽甚薄漿發即裂故鮮得全者張七澤云松江人謂草魚為白鯖魚鯖為烏鯖魚草魚今人家池中用草畜之者即鮠魚也

嶠南
瑣記

藤江鯖魚形象草鮓色青黑大者百餘斤取用釣筒其
膽治目功比空青魚大膽小者上上魚大膽大者上中
魚小膽大者中下矣漁者得魚到縣親剖官稅其膽始
敢出市私開者杖今之售者皆以鮓膽灌黃藤膏偽為
之耳黃藤亦行血去翳也辨之不精必見笑于魚目

赤雅

白妾魚

白妾魚出大荒山深澗中一名婢妾臉若芙蓉膚如凝
脂有天然肉結禪若垂雲長四尺五寸臍下有帶白光

映人胡天星邀余作膾香脆甘美水陸無有方者諸洞
聞獲是魚盛禮來賀矚其所饋皆不多止膾數斤其他
伴禮者熊掌虎皮麝香鴉箭紛如也貴重如此楚辭魚
鱗鱗兮媵予云者指此

赤雅

嘉魚

嘉魚出火山下丙穴體圓小多脂九十月間始出或曰
似鮐魚謂其多脂而味似之爾形絕不類也

嶠南
瑣記

嘉魚形如鱒出梧州戎城縣江水甚肥美衆魚莫可與

比最宜為鮓

他頂切

每炙以芭蕉葉隔火蓋慮脂滴火滅

耳

嶺表錄具

鮓魚

南方魚多不肥美味鮓魚為上大者長三尺作膾炙尤

香而美

具物志

鮓魚如白魚而稍短尾不偃清遠江東此魚蓋不產於海也廣人得之多為膾不腥而美諸魚無以過也

嶺南錄異

鮓魚鱖魚

桂林有鮠魚鰕魚

百粵風土記下同

香魚

太平有香魚

竹魚

竹魚出桂林湘灘諸江中狀如青魚大而少骨刺色如竹色青翠可愛鱗下間以朱點味如鰕魚肉為廣南珍

品

本草綱目

印魚

印魚長一尺三寸額上四方如印有字諸大魚應死者

先以印印之

西陽雜俎

印魚方額有印文類竹葉符鳴如鐘鈕長尺有三寸巨魚將死以印封之余在龍門灘愛其神怪市而放之獻

者弗識也

赤雅下同

海蠻師

海蠻師魚身虎頭無鱗甲短脚利爪渾身豹文長八九尺見人泣數行下蜚人網得輒復放之

鬼魚

鬼魚荔波縣產形如鯉魚水蠻畜之淺水池中如往仇殺取是魚以禱鬼輒能取勝或有行人見魚躍驚曰大魚其人即病取魚而食之者即死撞人醢是魚如惡其人與之食發病亦死有早覺者請蠻喃吡可蘇

慶遠府志

忽雷

忽雷鱷魚也居溪渚中以尾鉤人而食之扶南王范尋有神術常于大雲山鑿池畜魚決獄有罪者投之無罪

魚弗食也今其枯骨齒生用作樂器聲極啞啾經云河
有怪魚厥名為鱷其身已朽其齒三作赤
雅

蚺蛇

董參戎蕨岡廷玉電白人為余言其家人妻往樵於山
為蚺蛇所得比晚不歸家人怪之往尋之見蛇方蟠其
身以尾吸其陰吐舌於婦人口內遂歸聚眾往擊之蛇
見人眾乃去婦人尚有微氣灌以雄黃敗毒之劑稍復
醒能言越一二日毒發身腫明瑩可鑑竟死世言蚺蛇

最淫見婦人裹衣輒卧其上人隨殺之觀此益信又余
郡友人張鳴威家僮羣往樵見蚺蛇方吞鹿未半衆遂
奮槌擊殺之蛇以鹿在口無能為也數人拽歸途中已
死矣渡江人從舟上渡置蛇水中蛇忽復活矯首掉尾
舟為幾覆剝膚肉白如玉云燻之佳有膽數十云是水
膽歲甲午先君視余於闕張氏以是皮臚濶三尺餘每
客至取以供玩後為好事者取去

月山
叢談

蚺蛇常在樹上伺鹿鹿過輒垂首下繞之有頃鹿死先

濡徧身今濕使舉口吞之骨角皆鑽皮而出山夷始見
蛇不動時便以大竹籤籤蛇頭至尾殺而食之以為珍
異故楊氏南裔異物志曰蚺惟大蛇既洪且長其色駸
犖其文錦章倉灰吞鹿腴成養創闕實享嘉宴是觴

言其養創之時肪腴甚肥

水經注

蚺蛇以婦人衣投之取葛藤擲之蛇蟠不起因繫以葛

任人牽拽

北戶錄

蚺蛇大能吞鹿惟喜花草婦人山中有藤名蚺蛇藤捕

者簪花衣紅衣手藤以往蛇見輒凝立不動即以婦人
衣蒙其首以藤縛之其膽護身隨擊而聚若徒取膽者
以竹擊其一處良久利刀剖之膽即落矣膽去而蛇不
傷仍可縱之後有捕者蛇輒逞腹間創示人明其已被
取也其膽噲一票於口雖拷掠百數終不死但性大寒
能姜陽道令人無子嘉禾沈司馬思孝廷杖時有遺之
者遂得不死而常以艱嗣為慮越三十餘年始得一子
或云其氣已盡故耳

謝肇淛
五雜俎

蚺蛇大者五六丈圍四五尺以次者亦不下三四丈圍亦稱是身有斑文如故錦顯俚人云春夏多於山林中等鹿過則銜之自尾而吞唯頭角礙於口外即深入林樹間閣其首伺鹿壞頭角墜地鹿身方嚙入腹如此後蛇極羸弱及其鹿消壯俊悅澤勇健於未食鹿者或云

一年則食一鹿

嶺表錄異

蚺蛇膽普安州有養蛇戶每年五月五日即擔蚺蛇入府抵候取膽余曾親見皆於大籠中藉以軟草盤屈其

上兩人舁一條在地上即以十數拐子從頭翻其身旋以拐子按之不得轉側即於腹上約其尺寸用利刃決之肝膽突出即割下其膽皆如鴨子大曝乾以備上貢却合內肝以線合其瘡口即收入籠舁歸放川澤同上

蝮蛇牙長六七寸土人尤重之云辟不祥利遠行賣一

枚直牛數頭

北戶錄

蝮蛇尾有鈎口無齒其聲甚怪似猫非猫似虎非虎擊之則鳴猶龜馬灼之則鳴也九十丈者吞蟻六十丈者

吞象三十丈至九丈者吞豺狼虎豹與鹿豕人吞之法以尾鈎卷定以氣衝死濡濕乃吞吞畢卷於樹上絞至糜爛骨角皆從皮出望之若神龍脫骨耳非

駕龍部署

蛇過三十丈者皆稱龍

爰緝婦裾以為旗轟爰斬烏鹽以糾鎰簇爰斫葛藤以絢繼索金鳴則進旗卷則退口含酒糟腰帶毒槩蛇長一丈旗手一人鎰手十人擎手五人金手二十人金手藤擎手牌鎗手鹽旗手酒具勝也金振旗開鎰掄弩發

金手進藤主束也鎗手進鹽主剥也旗手進酒主勞也
旗手得膽鎗手得皮弩手得睚金手得肉其敗也鎗護
旗退牌護鎗退藤護牌退蛇長十丈其數十之蛇長百
丈其數百之余游諸山見獵九蛇長九丈者有五長八
丈者有三長十有一丈者有一天問一蛇吞象厥大何
如間世而出土人亦不概見况吞蟻者乎若夫三周崑
又吞蟻者之海若也

赤雅

蛇名

其一字名者有青蛇赤蛇白蛇烏蛇青主神赤主火白
主傷烏主藥其他曰滕曰髯曰鱗曰蝮曰水曰穀二字
名者曰率然危干水箭烏稍量人默稱烏肉瞎目雞冠
鼈腦人頭馬鬃笋撐菜花寸白水豹三字名者幹壁虎
黃藤蚘青竹標篩箕狎金角帶七寸錦過樹容凡蛇盤
處皆在壬地

赤雅 嶠南瑣記云青竹
標者瞎目纏樹而生子

蚘無棄物

蚘蛇三膽一附于肝者止痛一水膽白漿止瀉一膽隨

月擊其處則隨至名護身膽最佳眊辟邪殺鬼佩之吉
祥肉辟風寒皮過三十丈者曰龍皮一端千金波斯市
之為鼓聲振百里雄眊萬國赤雅

金蛇

金蛇出賓州澄州大如中指長尺許常登木飲露體作
金色照日有光白者名銀蛇解中金藥毒嶺表錄異云
金蛇一名地鱗白者名錫蛇出黔州出桂州者次之大
如拇指長尺許鱗甲上分金銀解毒之功

本草綱目下同

天蛇

天蛇生幽陰之地遇雨後則出越人深畏之其大如筋而匾長三四尺色黃赤澆之以醋則消或以石灰摻之亦死人遭其螫仍為露水所濡則遍身潰爛廣西一夷為蟲所毒舉身潰爛一醫視云天蛇所螫不可為矣仍以藥傅其腫處以鉗拔出如蛇十餘而疾終不起

天蛇毒以秦皮煮汁一斗令其恣飲初日減半三日頓愈

兩頭蛇

兩頭蛇嶺外多有時有見者如小指大長尺許腹下鮮紅背錯錦文一頭有口眼一頭似有口眼兩頭俱能進退亦謬也昔孫叔敖見之為不祥乃殺而瘞之慮後人見之必受其禍而南人見之以為常其禍安在

嶺表錄異

報冤蛇

嶺南有報冤蛇人觸之即三五里隨身即至若打殺一蛇則百蛇相集將蜈蚣自防乃免

朝野僉載

人面蛇

嶺表有人面蛇能呼人姓名害人惟畏蜈蚣

江湖紀聞

藍蛇

藍蛇首有大毒尾能解毒出梧州陳家洞南人以首合

毒藥謂之藍藥藥人立死取尾為腊反解毒藥

酉陽雜俎

王虺

王虺江北曰虺江南曰蝮首大如擘背青腹赤有齒極毒
噬人立死大招南有炎火蝮蛇蜒只觸鱗短狐王虺騫只

九頭者曰雄虺。天問雄虺九首。儵忽焉在不須。嗙人見之立死。猶叔敖之兩頭蛇也。余謂見者踏殺之亦成佳事。吳都賦云。雖有雄虺之九首。將抗足以趾之。可謂先得我心矣。書備一笑。赤雅

龜

舟過龍門。值水漲。見浮槎。上有物。翻覆如葉。榜人撈之。得一龜。不似常見者。大寸許。而體甚薄。似鼈頭。類蟾蜍。腹紅色。黑理。足尾俱黑。而尾畧尖。銳背純綠。中具五行。

八卦環列二十四氣界處似微紅畫之者後一段皆有
齟齬天然分界首頗大不能全縮眼作金色兩頤有金
線縈之頷下有紅色能吐欲鼓氣蓋物之異者

嶠南
瑣記

蚌

容桂間取小蚌肉貫之以笈曝乾謂之珠母率將脯燒
之以薦酒肉中有細珠如梁粟乃知珠池之蚌隨其大

小悉胎中有珠矣

嶠表錄
異下同

瓦屋子

瓦屋子蓋蚌蛤之類也南中舊呼為空慈子頃因盧鈞
尚書作鎮遂改呼為瓦屋子以其殼上有稜如瓦故以
名焉殼中有肉紫色而滿腹多燒以薦酒俗呼為天嚮
笑吃多即壅氣背膊煩疼苦則其本性也

天蝦天蛤

廣州邕容道常有蝦蛤隨雨至謂之天蝦天蛤人取鹵
之不取亦化蓋為海風攝至者

番禺記

天蛤大如白蛤每大雪從空而下故名天蛤

鄭熊番禺雜記

蛤蚧

蛤蚧首如蟾蜍背綠色上有黃斑點若古錦文長尺餘尾絕短其族則守宮蜥蜴蝮蛇多居古木竅間自呼其名聲絕大

北戶錄

廣西橫州甚多蛤蚧牝牡上下相呼累日情洽乃交兩相抱負自墮於地人往捕之亦不知覺以手分劈雖死

不開

一統志

蛤蚧首如蝦蟆背有細鱗如蠶子土黃色身短尾長暮

則鳴自呼蛤蚧里人採之為藥能治肺疾醫人云藥力

在尾不具者無功

崩表
錄異

蛤蚧偶蟲也雄曰蛤雌曰蚧自呼其名相隨不舍遇其

交合捕之雖死牢抱不開人多採之以為媚藥

謝肇淛
五雜俎

蟹螯

蟹螯毒有羽似玳瑁紋

永福
縣志

蟾蜍天

土檳榔狀如檳榔在孔穴間得之新者猶軟相傳蟾蜍

矢也不常有之主治惡瘡

酉陽雜俎

蝦蟆

百越人好食蝦蟆凡有筵會斯為上味先於釜中置水次下小芋烹之候湯沸如魚眼即下其蛙乃一一捧芋而熟呼為抱芋羹又或先於湯內安筍筍後投蛙及進於筵上皆執筍筍瞪目張口而座客有戲之曰賣燈心者又云疥皮者最佳擲於沸湯即躍出其皮自脫矣皮既脫乃可以修饌時有一叟聞茲語大以為不可云切

不可除此錦襖子其味絕珍聞之者莫不大笑

尉遲樞
南楚新

聞

退之與子厚詩極狀蝦蟇之不應食子厚蓋甚好之故
謂其甘如豢豹然自云後亦能稍稍則退之亦嘗食而
美之矣蝦蟇之種甚多俗概呼之曰蛤水蛤不可食今
所嘗食者皆田蛤惟山蛤最美體稍大而股長膚白滑
類墜子皮黑色多疥所謂錦襖子者蓋山蛤也山蛤一

名石輪

西事珥
下同

桂人有為御史者或謂之曰公所居之臺當曰蛙臺蓋
譏其食蛙也御史曰此月中靈物用以奉養不勝黑面
即哉黑面即謂豕也

龐降

嶺表錄異云龐降生於嶺南多在橄欖樹上形如蝸蟬
腹青而薄其名自呼但聞其聲而鮮能得之人以善價
求為媚藥按此形狀似蟬可為媚藥與李珣海藥青蚨
雌雄不捨秘精之說相符恐亦青蚨之類在木上者也

本草綱目

桂蠹蟲

南越傳尉佗獻桂蠹一器師古曰此蟲食桂味辛蜜清食之今潯志物產載此問之土人無知者梧潯雜佩

大業拾遺錄云隋時始安獻桂蠹四瓶以蜜漬之紫色辛香有味啖之去痰飲之疾本草綱目

十二時蟲

十二時蟲亦蛤蚧之類大者一尺尾長於身傳云自旦

至暮變十二般色傷人必死愚嘗獲一枚閉於籠中玩之止見變黃褐赤黑四色

北戶錄

容州有虫如守宮身圓而頸長頭有冠一日中隨時變色青黃赤白黑未嘗定土人不能名呼為十二時虫嚙

不可療

嶺南異物志

其虫足長身青肉鬣赤色其首從見者有喜慶

同上

十二時虫則蛇師蜥蜴之類也土色者身尾長丈餘腦上連皆有髻鬣草樹上行極迅速亦多在人間籬落間

俗傳云一日隨十二時變色因名之

嶺表錄異

南方有虫名避役一曰十二辰虫狀似蛇脚長色青赤肉羸暑月時見於籬壁間俗云見者多稱意事其首倏

忽更變為十二辰狀成式再從兄鄆常觀之

酉陽雜俎

十二時虫出南海若大蜥蜴一日一夜隨十二時變其色乍赤乍黃傷人立死既潛噬人急走籬藩上望其死

者家人哭又名籬頭虫

漱石間談

矛

矛蛇頭鼈身入水緣樹木生嶺南南人謂之矛膏至利

銅瓦器貯浸出惟雞卵殼盛之不漏主治腫毒

酉陽雜俎

蚺蛆

蚺蛆一名蜈蚣狀若水蝦小至一寸大至一丈其尾閃

閃有光山中修蛇無故而死者被螫也蛇腐皆化蚺蛆

猶螿蛉之呪子也儒書騰蛇游霧而蔽於蚺蛆

赤雅

蜈蚣

蜈蚣南越志云大者其皮可以鞞鼓取其肉曝為脯美

於牛肉又云大者能噉牛俚人或遇之則鳴鼓然火炬

以驅逐之

嶺表錄異

柳州郡守堂有光夜出柱上蠹穴中滿堂如月太守知有異物集吏卒碎柱乃大蜈蚣長亘柱腦中得珠大如

鵝卵圓瑩光彩

夷堅續志

短狐

蜮短狐也如鼈三足生於南越南越婦人多淫故其地

多蜮淫女惑亂之氣所生也

正義

南越夷狄男女同川而浴淫以女為主故曰多蛾

感應經

短狐人所生也詩曰蛾書曰射工騷曰短狐斑衣山子
插青銜弩裸體獸交遺精降於草木嵐蒸瘴結鸞然化
生狐長三寸狀若黃熊口銜毒弩巧伺人影胎性使然
也今南海有水弩虫四月上弩八月一日卸弩亦
能射人與此不同余遊六磨影落澗水為短狐所射毒
中左足適欲撲殺有大蟾鼓腹踴躍握其喉而食之未
幾痛入骨髓始如蟻卵乍如蜂房乍如盤渦乍如蛇菌

一日一夜其變百出其大二寸聞過三寸則死毒大如
狐則死對時則死遍走羣醫命在呼吸遽然猛省蟾能
食之必能制之偶有八字丹蟾跳躍草際取向毒處一
吸伏體立運毒口出涎滴石石爛魂魄漸復如坐冰壺
其口兩月方合聞鴛鴦鷺鷥皆能食之腦可止痛使我
求之恐為枯魚所笑

赤雅

異蟲

嶺南有異蟲如蚯蚓長尺餘背利如錐多夜出半身著

地半指空而行或有誤觸之者直食人心腹食人至死
乃出土人目之為夜虎甚畏避之

彭乘墨
客揮犀

木葉化蛺蝶

公路南行歷懸藤峽維舟飲水觀崑側有一樹五綵初
謂丹青之樹命僕採獲一枝尚綴蛺蝶凡二十餘箇有
翠紺縷者金眼者丁香眼者紫斑眼者黑花者黃白者
緋脈者大如蝙蝠者小如榆莢者登岸視之乃知木葉

化焉

北戶
錄

天蠶

楓始生虫多食葉似蠶而赤黑四月熟如蠶將絲土人

取之其絲光明如琴絃海濱蜃人鬻之作釣緝

南寧府志

毒蜂

毒蜂嶺南有毒菌夜明經雨而腐化為巨蜂黑色喙若

鋸長三分餘夜入人耳鼻中斷人心繫

酉陽雜俎

芥蟲

五嶺春夏率皆霖雨見日既少涉秋入冬方止凡物皆

易蠹敗萌膠擅屬無逾年者嘗買芥菜置壁下忘食數日皆生四足有首尾能行走大如螳螂但腰身細長耳

嶺南異
物志

蟻

嶺南蟻類極多布席袋取蟻子窠鬻於都市蟻窠如薄絮囊皆連帶枝葉蟻在中和窠而賣有黃色大於常蟻而脚長者云南中甘子樹無蟻者實多故人競買之

以養甘子

嶺表
錄異

交廣溪洞間酋長得收蟻卵淘滓令淨鹵以為醬或云其味酷似肉醬非官客親友不可得也

同上

南方尤多蟻子凡柱楣戶牖悉遊蟻循途奔走居有所

營里棟相接莫窮其往來

投荒雜錄

北戶錄云廣人於山間掘取大蟻卵為醬名蟻子醬按此即禮所謂蚝醢也三代以前固以為食矣然則漢人

以鼃祭宗廟何足怪哉

老學菴筆記

赤蟻若象渾身帶火力負萬鈞雜食虎豹蛇虫遺卵如

斗山人取為醬是名蚘醢見於周官

赤雅

蟻漆

愛州居風縣有蟻絮藤人視土中知有蟻因墾發以木皮插其上則蟻出緣而生漆

吳錄

聖糞

容南土風好食水牛肉既飽即下聖糞以消之糞如青苔云是牛腸胃中未化草欲結為糞者既飽則以鹽酪薑桂調而吸之遂不飽也

嶺表錄異記

諱齏

容州人好食齏土人以為諱或云以蛆蚓為之

番禺雜記

蜜唧

嶺南獠民好為蜜唧取鼠胎未瞬通身赤蠕者飼之以蜜釘之筵上躡躡而行以筋挾取咬之唧唧作聲故曰

蜜唧

朝野僉載

蝸牛

溽暑頗有園池花樹偶見花根上一物蠕動就視之乃

一大蝸牛戴殼而行可容半升

嶠南
瑣記

山中有蝸殼可容升者以米水去涎竹刀膾之角大如
指甘脆去積鮮毒余東粵亦食之鮮有如其大者


赤雅

無頭鮓

山中有物形如蠶蛹無頭而動獠人得之為鮓食之令
人不寒昔陶璜守九真築城得一大者長十九丈大二
十圍無頭蠹連割其肉如脂肪為臠甚香美璜食之三

軍皆食又名地蠹

赤雅



粵西叢載卷二十三